

保德州志

縣長萬泉馬蕃庶總裁

郡人 張寶樞 襄助

郡人 王贊堯 襄助

郡人張念祖經理

郡人王永明校對

因革第一

殷夢高曰古今以來盛衰興廢勢若循環開闢之初循蜚蚩尤所紀不可得而知已若夫典墳丘索禹貢職方諸書斑斑可考至於左史斑范百家傳記童而習之其間惟是天文地理星緯輿圖百世不改他如帝室皇居名都大邑雖創造自聖人且不免麥秀黍離之嘆焉大抵因者什一革者什九豈非氣運靡常而人事亦有新故迭乘之勢與保德之在全晉僅若黑子之著面然自戰國迄今數為用武之地明室中衰邊患孔棘盒無寧宇鼎革時又亟為寇氛所蹂躪宜其荆棘生而

保德州志

卷一 因革

一

麋鹿遊奚乃城郭宮室尚堪倚庇井里邑市未盡丘墟若是者不獨前賢維持補救之功而亦 朝廷休養生息之所致也享其利者尚勿為巢幕之安而益厯厯火之憂則庶幾乎作因革志

建置一之一

星野一之二

疆域一之三

城垣一之四

公署一之五

學校一之六

街衢一之七

都里一之八

坊表一之九

市集一之十

津梁一之十一

塚墓一之十二

建置沿革一之一

保德禹貢冀州之域虞夏為荒服周初為蕃服春秋屬晉為林濤寨晉三分後為樓煩所據名曰林胡又名澹林戰國時趙武靈王練武收復之置樓煩郡史記趙世家曰趙西有林胡匈奴傅曰晉北有林胡樓煩是也秦屬太原漢屬雁門郡代今州晉劉元海據離石其地屬漢後拓拔氏據有北方屬魏高氏篡魏屬齊宇文氏滅齊屬周唐屬嵐州即嵐州五代屬後唐後屬北漢宋淳化四年析憲州即靜樂縣置定羌軍景德二年改保德軍取民保於城尋立為州管五里與河西麟州麟州神府州即府豐州今在河套相表裡以控制夏人屬河東道宋室南渡金置附廓保德縣隸府州歷五十餘年至辛卯復升為州元初至元三年又省併陝州即河曲芭州在河套隸

保德州志

卷一 因革

二

焉屬太原路明初亦為州洪武七年改縣九年復為州仍轄河曲縣十四年改河曲縣隸太原府 國朝因之附所營各一初明宣德七年置守禦所千戶成化間西人為患山西守巡道來駐守嵐州移太原左右衛小馬兒官軍赴保德防禦正德間邊患孔亟改隸石隰冀寧道每冬撥冀寧官軍防禦嘉靖間邊患愈熾專置兵備道駐守嵐州統理之是為西路隆慶三年移守嵐道駐偏關罷禦冬之役萬曆初偏關置保德倉移本州同知監其收放十六年冬撥八角利民官軍三百員名冬春更戍歲以為常崇禎八年鄉官王邵請於朝始設本州營罷更戍之役沿至 本朝順治初以本營守兵把總兼管保德所事十六年所事又歸併本州今止存保德營所久廢

胡洵陽曰一保德耳時而輕則為寨為縣而且轄於人時而重則為軍為州而且轄乎人其在於今直駢指視之殊不知自西淪河套保德無藩籬之固嘉靖間七被蹂躪破石掠汾之後由此渡河回巢豈非以無兵之故哉目前雖暫偷

安若一旦事變則河套之鋒保德先試之而岢嵐太汾等處皆當以次震動矣
鑑往轍而興思將何所恃以不恐也

楊永芳曰三晉爲 神京右臂而保德居三晉之首西接秦壤北臨河套距邊
垣僅四十里隆冬河凍一馬可到今雖設有營兵而漸次裁減反不及昔日所
兵之數起天橋迄馮家川渡口八處沿河一百四十里而荷戈者寥寥每遇隆
冬又撥本營兵七十餘人赴唐家會堡汛守則此地責任將誰屬也是在當事
者未雨綢繆安保德以安全晉之屏翰耳

星野一之二一

史記曰昴畢冀州 晉天文志曰自胃七度至畢十一度爲大梁趙分野 唐天文
志曰胃昴畢大梁也 天源發微曰胃七至畢十一度酉日作噩律姑洗斗辰趙
分 金史曰胃四度二十四分三十三抄外入大梁之次 前志曰保德在昴十
度之末畢初度

保德州志

卷一 因革

三

昴宿占 井十一度下爲日月中道天之耳目也 昴第七星爲旄頭主北敵大而
盡動若跳躍者敵兵大起一星獨跳餘不動者敵欲犯邊也熒惑守其北燕趙兵
起太白守之敵兵動 天阿一星在胃東 月一星在昴東 天陰五星在畢柄

西 天苑十六星在昴畢南 芻藁六星在苑西 卷舌六星在昴北 天讒一
星在卷舌中 礪石四星在五車北

礪星各有所主各有占驗其
災祥與保無甚關係者不載 子二宿
倣此

畢宿占 華七度主邊兵戈獵其大星日天高一曰邊井主四彝之尉也明大則遠
方來貢失色則邊兵亂動搖邊兵起木犯有軍功 昴畢間二星日天街主國界
金火守之彝兵起 附耳一星在畢下主聽得失星盛則中國微有盜賊邊堠警
動移則讒佞行兵大起邊尤甚 天節八星在畢南 諸王六星在五車南天漢
中 天高四星在參旗西北近畢 五車五星三柱九星共十四星在畢東北
天潢五星在五車中 咸池三星在天潢南 天關一星在五車南畢西北亦曰
天門主邊事 參旗九星在參西五車之間天旗也明而希則邊警不動流星入

北地兵起 九旂九星在玉井西南主邊軍進退金火守之兵亂起 天園十三星在天苑南

胃星占

胃十五度天之儲藏百穀之倉也明則四時和平天下晏然倉廩寔小則穀少有輸邊事就聚則穀貴人流暗則凶荒 天廩四星在昴南 天困十三星在胃南明而黃則歲豐 大陵八星在胃北中有一星日積尸不見而暗則吉 天船九星在大陵北一日舟星中一星日積水主候水災

胡洵陽曰自星經散佚黃帝巫咸之書不可得聞古昔賢哲亦多附會穿鑿之弊矣况星麗於天靡野不燭野莫於地靡星不臨東西南北固有定位而天左旋地右旋則星與野恆不相值矣天運疾地連緩則星與野恆不相待矣且曆數歲差不能盡合分疆建號不能盡同必謂某野屬某星幾十幾度而無分抄之誤必不得之理也惟謂星與人事各有所主能令人動致祥消禳之想庶

保德州志

卷一 因革

四

幾春秋書星變漢儒言事應遺意焉守土者尙兢兢乎修德修救母謂渺渺一夫無關列宿區區撮土無當分野遂無災而戲渝有變而推諉則地方之福也

疆域

保德在太原府西北隅東西廣一百一十里南北長一百二十里週圍三百四十二里正東河曲縣界東南正南俱崞嵐州界西南興縣界正西正北東北西北俱陝西府谷縣界

東由天橋鋪至河曲縣界三十里至城六十里由念塢村至河曲縣交界高地峻山五十里至山岔堡一百四十里從此過雁門關由紫荆至 京師一千四百里過神池堡由居庸至 京師一千五百里

東南由胡家庄至崞嵐州界七十里由王家寨至河曲界六十里又五十里至牛欄村村係保德地

南由大塔鋪至崞嵐州界七十里過水峪觀由三道梁至州城西門一百七十里

由頭道梁至北門一百八十里從此至太原府五百里由太原至京師一千七
百里自州治至科舉村八十里岢嵐州界至蒼水山一百一十里地雞岢嵐州界
西南由土門鋪至興縣界九十里至城一百八十里稍西由馮家川至興縣界九
十里至城一百六十里踰河由府谷小木山至神木縣一百六十里
西至韓家川河畔四十里踰河由府谷大堡村至永興堡一百二十里至窟籠塢
一百里興縣界
西北至柴家窰河畔三十里踰河由府谷熟芝坪至鎮羗堡八十里
北至河畔一里踰河至府谷縣城三里至孤山堡四十里明時榆林兵馬入衛從
此渡河至州
東北至鐵匠鋪河畔十五里踰河由府谷至木瓜園堡四十里至清水營七十里
至黃甫川八十里

舊志論曰保德逼河而城東北至正西皆河也河外俱陝西府谷地界上下六

保德州志

卷一 因革

五

堡 孤山木瓜園清水營
黃甫川鎮羗永興

皆兵戈之區昔日多被侵掠今內外一家可幸戢寧無事矣西南至正南皆與
興縣接壤身居興地者遺庸遺調地爲興產者遺草遺糧昔日屢煩關督今徭
糧早完可幸招挾有法矣正南至東南皆與岢嵐州接壤如三道梁諸處昔日
每爲盜藪今道路肅清可幸防禦有人矣東南至正東皆與河曲縣接壤天橋
魚磯昔日屢次爭奪今樹碑壘石則經界又大正矣惟是四顧我疆皆沙梁陡
坡羊腸魚脊之形兩邊崖岸旱則易乾澇則易潰舊有河灘數處久被衝沒故
計道路則動稱百里而石渠水溝居其過半行人盤曲山澗足不得伸耕夫上
下窰陵犁不易插况地僻而商不通民朴而僅株守財無所生將何所倚以爲
命也撫有疆域者披圖警心憫其苦而恤其生庶蚩蚩者乃可存活耳

附州境內水陸大小路程驛站

正東大路有驛自州城東關沙河口過河往北水路三里許至陝西府谷縣自沙河

口起一直往東鐵匠舖陸路十里自鐵匠舖至年延舊名礪馬村陸路二十里撥設驛站馬三十匹自年延村至高地陵山陸路二十里撥設驛站馬二十四匹有營房一座界牌一座係河曲西南交界 自鐵匠舖分路從東北小路石梯子至天橋村二十里有石橋一座亦係河曲西南交界 自鐵匠舖分路從東南小路梁家圪坨至南峁村二十里自南峁村轉東仍出大路至高地陵山二十里 正南大路無驛自州城南關起至下流磧陸路二十里下流磧至橋頭村陸路十里 有資佛寺一座橋頭村至大塔舖陸路三十里大塔舖至界牌村陸路十里係崑嵐州正北交界

正西小路自州城西灘起至楊家灣村陸路二十里楊家灣村至柴家窰村陸路二十里柴家窰村至下川坪村陸路三十里下川坪村至馮家川村陸路二十里馮家川村至窟籠塢村陸路二十里有界牌一座係興縣東交界 東北西北過黃河俱陝西府谷縣界

保德州志

卷一 因革

六

西南小路自州下流磧起至石堂村陸路二十里石堂村至土門村陸路二十里土門村至南河溝村陸路二十里南河溝村至劉家塢村陸路十里有界牌一座係興縣東北界

城垣

保德城係宋淳化間因林濤寨舊垣拓而南者隨山削險頗堅固獨西南臨溝隨修隨圮金大定二十一年知州李晏退西南城築木瓜崖廣五步袤一百七十步因宋熙寧間鑿井皆淤塞創開西門在孫家溝稍北今西門之南五十步以便民汲有碑記元至正間署州學正劉章甫重修明永樂十一年州同尹惟志重修宣德八年知州任泰重修周圍七里二百五十步高一丈八尺南大北小形如葫蘆西南各一門東北西北各一角門各建樓於其上窩舖六十四座後西南漸為水嚙弘治十五年奉文調崑嵐興縣靜樂嵐縣等夫修之明年秋為雨所壞又明年知州周山改築三溝城於堰口下用石甃之分城中水為四渠

一在金溝水出城西溝一在鐵溝一在新街水俱出火石溝一在學門東水出屬

增下
溝

懸扁城樓東曰望東西曰安西南曰治內北曰來遠城制視舊遂不同嘉靖三十年東北潰決百丈餘知州藍雲鳩工伐石東北角作一渠長三十丈闊二丈深一丈水東流山今草廠溝西北角作一渠長二十餘丈闊深如前水正北流即今屬下溝正西作二渠各長十餘丈闊深如前水由西溝曲流即今苦水孫家二溝門垣女牆無不完葺碑有嘉靖四十二年知州李春芳磚包南門移遷西門碑有萬歷二十年巡撫呂閱邊至州勘得本州土城不足恃撥軍壯五千餘名磚包適遇寧夏兵變不果萬曆二十九年兵憲趙至州慨議磚包委知州韓朝貢估議應用匠役四千七百二十名俱於四路原額修工軍壯內派撥應支廩給食米鹽菜木植鐵料銀八千六百兩二錢俱支用在官雜項銀兩不費民間一錢一力轉詳巡撫白允撥太汾平潞等州縣軍壯包完高三丈五尺長一千九十三丈六尺四門各建一樓東曰迎恩西曰阜成南曰南薰北曰鎮朔碑有城外遺土岡四處勢甚凌逼萬曆四十年

保德州志

卷一 因革

七

知州胡柁削平之又四十一二年雨潰水道兩處城圯四十餘丈申允留本州軍壯修理於孫家溝草廠溝各開一水道建小樓於上以憑高禦敵且補風氣 國朝順治六年牛逆竊據大兵致討炮擊壞西南城八十餘丈越歲知州安世鼎修理碑有後歷年東北西三面塌毀六處城樓俱圯狼夜入城康熙六年知州張光岳修完三處城約數十丈南樓一座窩舖四座門房二座餘三處未修去任二十四年知州高起鳳奉文修城改甃東北角退故城基數武修完前壞處各十餘丈塞故水道於草廠溝州治衙各鑿池貯水每雨甚水溢輒從圍閣橫流二十八九年東北城基各壞數十丈修築未完陞去三十七年六月大雨城圯六七十丈東門外衝成豁壑行人阻絕知州唐文德設處修築而城尙未修日久盒壞四十六年今知州王克昌鳩工修築北城自四月起工至九月止約長三十六丈高三丈六尺又四十九年五月內修築東城一丈五尺重建東城門樓補修南城門樓俱煥然一新

護城樓一在東門坡下存今一在南門外演武場毀兵一在西門外和尚圍毀兵一在北城

下廢今

南關土城周圍里許明崇禎間鄉官王邵請上創築今壞城中井舊有四一在西門內一在大寺內一在所衙前一在西營後西營井廢復鑿孫家溝一井草廠溝四井水俱苦不可飲廢今俱

軍火器械明舊設鎗刀鈎鞭盔甲弓矢銃砲炸砲鉛子之屬共五萬一千四百二十件萬曆四十年知州胡柟增置弓二十張箭二百枝盔甲四十四副火藥一百三十觔寇亂之餘蕩然無存今俱久廢并及軍火器械城守必資故附於末

胡洵陽曰城南北故長四里有奇後裁去南城里許今文昌閣前尚存故址演武場即昔之儒學也見通志舊城雖土築然沿險臨深形如壺字殊不受敵自改三溝城於堰口下舍高就卑遂失古人據險意矣磚包非不巍然金湯乃分理苟且塞責西北兩面潦草尤甚而城下地隣日肆蠶食致城基漸頽蠹城之禁

保德州志

卷一 因革

八

在寄專城者特加之意耳

楊永芳曰設險守國城垣甚重况保德為太原北屏全晉安危係之尤當加意者奈年久壞多在 國家既無動支正項之例而瘠土貧民又無力可輸今雖多方設處修完數丈然尚多頽垣無米難炊憂時每厓長慮且城中苦涸武備盡弛不知何日得享完固之樂也

公署

察院 乃舊按察司地在州治西南四十餘步明成化間知州劉昌建弘治十六年

知州周山改建察院萬曆四十一年知州胡柟重修廢今

布政司 在城隍廟西明成化間知州劉昌移建於州治之東南弘治十七年知州

周山仍建於舊址嘉靖四十二年知州李春芳改革場廢遼

按察司 舊在州治西南即察院地明成化間知州劉昌建弘治七年知州管鳳翔增修十七年知州周山移建於州治之東南萬曆四十一年知州胡柟因其廢址

改建馬明王文昌藥王廟又增書院名曰見龍遂廢

府館 即城隍廟西布政司地明弘治七年知州咎鳳翔建十七年知州周山仍改

爲布政司遂廢

州治 在中街北集賢坊初建姓氏年月無考元至正十三年知州許仲傑重修遍植佳木

正堂三間明永樂元年知州宋鎮建宣德六年知州任泰成化十八年知州騫璿

弘治十七年知州周山嘉靖三十三年知州藍雲俱重修 國朝康熙六年知州

張光岳重修四十八年九月知州王克昌重修增高三尺新建捲棚三間巍煥閎

廠前此未有又築甬道三條修修皂隸班房二間

穿堂三間在正堂後扁曰思補明正德元年建嘉靖十七年知州王建中截去二

間移後樂堂建其上萬曆三十一年知州韓朝貢東西各增房三間 國朝順治

七年牛逆拆毀康熙六年知州張光岳仍舊址建三間四十六年今知州王克昌

增建捲棚一間顏其堂曰退思復於堂右增門房二間建宅門向東後堂三間在

保德州志

卷一 因革

九

穿堂後扁日後樂東西各有耳房明弘治十六年知州周山建嘉靖十七年知州

王建中移建穿堂地址年久朽敝

國朝康熙六年知州張光岳建四十四年塌毀

百可軒三間齋所書房各一間在後堂後宅門內明弘治十六年知州周山建嘉

靖四十二年知州王世康重修萬曆三十八年知州韓朝貢改爲內室 國朝康

熙六年知州張光岳宅門內建正書房三間西房三間小書房二間外廚房二間

宅門外守門房一間康熙二十七年知州高起鳳改宅門內書房建捲棚三間三

十七年知州唐文德建西書房三間四十六年四月今知州王克昌增建捲棚三

間迤西又建書房二間書房後又建新樓三間題曰賞心南對蓮山北俯黃河極

一州登眺之勝

正宅 明成化間知州劉昌建天啓間知州戴元改置東向時論譏之 國朝順

治七年牛逆拆毀大半嗣後官賃民居殊茲煩擾康熙五年署州事河曲知縣田

思孔補葺舊舍建西院書房三間暫居六年知州張光岳重修新建正房五間北房三間南房三間東厦房七間西院小房十間內外一新有碑記年久圯壞四十七年今知州王克昌重修又建東房三間南房六間

安慶樓 在宅內舊爲土臺豎房一間明成化十年知州劉昌建萬曆二十四年知州朱黃裳磚甃建樓榜曰安慶

幕廳 三間在正堂東明弘治四年吏目曹政建十七年知州周山重修嘉靖四十二年知州李春芳改作庫房萬曆三十八年知州胡柟仍改正廢後 國朝康熙十二年吏目錢萬芳重建後改作倉房四十八年今知州王克昌復改正吏目稽會貽懸一扁名曰贊政廳

吏舍 在兵刑工房之後明弘治十年知州周山改建於正堂右舊庫之西萬曆二十八年知州韓朝貢復建於舊址之南久廢 國朝順治七年俱爲牛逆拆毀康熙東西六房庫書房倉書房承發司架閣庫 國朝順治七年俱爲牛逆拆毀康熙

保德州志

卷一 因革

十

七年知州張光岳新建司房一十二間值宿房二間

戒石亭 在甬道中明弘治間知州周山建久廢 國朝康熙七年知州張光岳建

一小坊四十八年今知州王克昌改建牌樓一座極高聳壯麗顏其上曰天鑒式臨民岩可畏

馬房舊在儀門外東西兩處後改社倉又改收錢糧之所久廢 國朝康熙五年署

州事河曲知縣田思孔移建於預備倉之前六年知州張光岳建馬棚十八間中建馬王祠二十七年知州高起鳳以馬多斃改建於舊吏舍之地去馬王祠

土地祠 在儀門東明弘治間知州周山塑像

寅賓館 在儀門西即馬神祠舊址 國朝康熙六年知州張光岳重修

捕廳 在庫書房後正廳三間東廚房一座明弘治七年知州咎鳳翔建寢室三間在正廳之東前廳三間弘治十六年知州周山建路由吏房上首出入萬曆四十四年知州胡柟重修改路由舊倉門出入 國朝順治六年牛逆拆毀康熙五年

署州事河曲知縣田思孔吏目黃茂新建正廳三間書役房四間後廳三間東房四間小書房一間內住房三間西廂房三間廚房二間後馬房三間有碑記二十三年吏目陳肇虞改路由儀門外闢宅後小門遂滋物議

倉 舊在儒學門西明弘治十八年知州周山請動公帑銀一百八十兩修建有碑記後以官吏俸食改折色遂廢積貯俱歸預備倉

預備倉 在捕廳前明弘治三年知州劉淵建大有廩七間十年知州咎鳳翔同吏目王宏建歲有廩五間冰窖一處十七年知州周山建路由倉廩房下首出入萬曆二十年知州王甲以原備甃城磚石申允修南北廩各九間東西各四間門房三間有碑記四十一年知州胡柟疏通水道增修墻垣改門於儀門外以門首房爲羈候所 國朝順治六年牛逆盡毀康熙五年署州事河曲知縣田思孔建北廩三間六年知州張光岳建南廩三間四十五年今知州王克昌新建東倉五間極工緻堅固名萬年倉

保德州志

卷一 因革

十一

通濟倉 明萬曆三十七年撫院魏發銀買穀二百七十五石一斗三升五合零

貯倉備賑廢今

濟民倉 明萬曆三十八年鹽院陳發銀買穀一百二十六石六斗四升六合零

貯倉備賑廢今

社倉 在城者始設無考明萬曆間積穀至一千七百二十餘石在鄉者萬曆四十二年知州胡柟始於郭家灘張家灘鐵匠舖及花園會裡山頭等村尙家韓家寺各等塔各建社倉一座每倉給穀五十石不等各僉老人一名免其現年力差以司收放穀即貯本村老人窘丙按胡公論曰穀貴則鄉民欲領而不可得穀賤則不領而不可得而穀賤之害爲尤甚蓋始有勾攝繼有催督終有補賠甚有口不沾一粒而本利取盈者所賴上之人量豐歉定行止不必年年出放下同於青苗手實而不悟也此真仁人之言今亦遂廢

常平倉 明萬曆四十二年知州胡柟糶穀三百八十石分貯馮家川土門大塔

王家寨等處春糶秋糶四十三年又請設城中常平倉穀一百五十石又布政司發銀三百兩糶穀七百八十石亦名爲常平倉今俱廢 國朝康熙年間奉憲行於請援直隸等事案內分貯穀四千二百五十五石三斗一升九合零又於嚴杏常平等事案內捐穀二百石又於欽奉上諭等事案內捐穀二百四十四石今知州王克昌又自捐穀八石利穀十石九斗三升俱貯本倉出納如例

庫 在正堂西明弘治四年知州劉淵建內有地窖十六年知州周山重修正德元年又建磚庫樓於穿堂後嘉靖四十三年知州李春芳撤去庫樓將正堂東幕廳改爲大庫一間小庫二間門置堂左壁間以西庫爲贊政廳今廢 萬曆三十八年知州胡柟將原房三間仍更爲幕廳另置大庫於堂左制頗完固其西庫所改之贊政廳又改爲儀仗軍器庫今廢 國朝順治六年庫毀於寇康熙七年知州張光岳於穿堂左新建庫三間庫書值宿房一間四十八年今知州王克昌將新庫改入宅內庫房仍移於大堂之西撤建一新

保德州志

卷一 因革

獄 在舊吏舍西明弘治間知州周山改於舊吏舍地建欽恤廳今廢蕭相國祠男女

監十間後止存東西六間 萬曆間知州韓朝貢磚甃房牆改祠與女監於鐵門外有碑記

國朝康熙七年知州張光岳重修今圯 向有修獄銀二十兩康熙十四年裁去

今改在預備倉西北止存三間

譙樓 舊在中街今人猶呼鐘樓巷 樓懸一鼓鐘懸承天寺前即今承天寺坊基 明弘治十年知州

周山改建於儀門之前壘石爲臺豎樓於上左鼓右鐘臺下爲門有譙樓記 天啓五年

知州戴元改舊圓洞屏牆突出街心 國朝康熙五年署州事河曲知縣田思孔

重修二十六年知州高起鳳於門外創立八字牆添設石獅二座四十八年今知

州王重修前後懸一扁南曰德洽薰風北曰威制雄邊

旌善申明二亭 在譙樓東西明弘治間知州周山建後改社倉萬曆間知州胡柟

附社穀於預備倉兩亭復舊今久廢

榜房 在屏牆東西廊下各四間明成化間知州劉昌建弘治間知州周山改建於

中街州治前二十步許久廢今地入關帝廟

牧愛坊 在譙樓前明嘉靖間知州王朝珍建

承流坊 在譙樓東

宣化坊 在譙樓西

育民坊 在承流坊東俱明弘治間知州周山建

集賢坊 在宣化坊西元至正年間建明弘治間知州周山重修萬曆四年知州

周壩改爲化龍坊今俱廢

草廠 舊在東城溝內今人猶呼爲草廠溝嘉靖十三年知州李春芳移於舊布政司其溝內

地給鄉民之願入城而無棲止者萬曆二十四年知州朱黃裳移於儒學西州倉

舊址

養濟院 舊在教養巷明弘治間知州周山建後改建於舊州倉之西房十間萬曆

二十四年知州朱黃裳改建於布政司舊址三十二年署州事忻州同知常自修

保德州志

卷一 因革

十三

將院西空地許徐郭高三生輸銀爲業其銀申入養廉倉內而院東空地則令楊

朝鸞輸穀蓋房孤貧棲止甚隘三十九年知州胡柟倍價贖前地建房四間兼買

朝鸞房二間築墻垣建門樓一座門房二間又買張國英儒學前溝東房地三間

悉給帖令孤貧居住建先斯亭立碑以志之今止存破小房一間門亭墻垣俱廢

陰陽學 在舊譙樓之東明弘治十七年建久廢

醫學 在譙樓西久廢萬曆二十九年知州胡柟建藥局四間今亦廢

僧正司 在承天寺明永樂四年建久廢

監收同知廳 在偏關明弘治三年兵備王璿建一十九間有碑記見舊志今廢無考

保德倉 在偏頭城內明洪武年建草廠在城南關弘治四年建

恆羨倉 在河保營城東明成化年建草廠在城北

廣積倉 在老營堡城東明成化年建草廠在城北後添馬站水泉二倉俱屬廣積

倉口以上三倉官役俱隸州

總舖 在州治東二十步明弘治間知州周山建萬曆間知州王甲改爲社學今廢

鐵匠舖 在州東北義門都距城二十里下流磧舖在州南義合都距城二十里石

窰舖在州東南義合都距州四十里窩弓舖後改爲大塔舖在州東南義合都距州六十

里石堂舖在州南義合都距州四十里土門舖在州南靜樂都距州六十里寺合

塔舖在州南長樂都距州九十里俱明弘治間知州周山建各房九間門三間郵

亭一座紅綽屑一座萬曆間知州韓朝貢移鐵匠舖於天橋墩前有碑記今俱久廢

驛遞 本州舊非驛路額設里馬十八匹傳送文書後并奉文裁減康熙三十六年

聖駕西巡由本州往寧夏 命於一帶經過地方安設驛站本州東關因設正站一

驛馬三十匹念塢村今名延年材設驛站一驛馬二十四匹凡有使命經臨應副不給又

所設驛馬俱在別州縣協濟不時替代人馬奔命公私不便四十八年今知州王

克昌條議請令各州縣應行協濟之處將驛遞錢糧撥付本州代爲顧幕夫役置

買馬匹等項上不費公家庫帑下不至各州縣替換煩擾甚屬便宜已奉府憲俞

保德州志

卷一 因革

十四

允轉詳有原議見公移

演武場 在城外東南南宋時儒學舊址正廳五間見通志明弘治十五年建崇禎八

年設立營伍守備衙門後毀

國朝順治十六年署守備郭衍嗣建演武廳三間康熙元年守備王在鎬增捲棚建

關帝廟并火神馬王廟於廳東築將臺一座有碑記

胡洵陽曰署以公名皆必不容缺者土木之興詎日得已惟是徵夫於市民苦

實甚况偕稱修衙動輒罰贖是且因爲利藪矣年來房夫盡蠲載在石碣乃公

署亦未嘗坐視其圯豈神力鬼工哉如無大興作則安享代耕者足以辦此也

敢以是爲用民力者告

楊永芳曰州署之圯也官居里巷民爲蹴賃既費且擾又每日莅事往來街衢

體亦稍褻今張公葺舊建新前庭後寢規模頗具後之躋此堂者勿傳舍視之

則相繼有攸寧之慶矣

白君琳曰張公修署當時民亦嘗苦之噴有煩言卒之享攸寧之慶迄今永賴焉所謂長城厲秦而利後也傳舍視者固非然信而後勞則於仁人有厚望耳

學校

儒學 在舊城東南隅見通志 宋熙寧初知保德軍高煥創建後燬於兵火金大定年

刺史高懷貞改創於州治之西明昌年刺史王嘉言泰和年刺史張令臣俱重修

有碑 元大德年知州王濟至正年達魯花赤慎得斤知州許仲傑俱重修有碑 明

知州任泰陸鏞朱黃裳胡柟李勝之張世熙俱重修有碑 國朝順治十年知州

楊士烜學正劉衍民重修康熙十二年學正張鳳羽捐俸募金重修二十年知州

高起鳳學正衛大衡重修三十二年學正劉瀚捐募增修積工數年煥然更新

先師殿五間康熙二十三年 御製 先師及四配十哲贊命大學士張玉書書頌

發直省學校刊刻今書扁懸殿上各神座

兩廡各七間

保德州志

卷一 因革

十五

戟門三間康熙二十三年 御書萬世師表扁額今懸門上又門墩石左右上有古

蹟鐫字云池中古栢凌空翠康熙間進士劉祖舜對城外長河接地靈今並刻於石

櫺星門三座 以上俱元皇慶元年重修明成化十年知州騫璿重建 國朝康熙

四十三年學正劉瀚補修

啓聖祠三間 舊在明倫堂右

敬一亭三間 在堂左俱明嘉靖十三年建萬曆四十二年知州胡柟改建西齋之

後天啓元年改敬一亭於尊經閣左啓聖祠於尊經閣右 國朝康熙四十二年

學正劉瀚重修

尊經閣三間 在明倫堂後明弘治間知州周山建萬曆間知州胡柟重修 國朝

康熙四十一年學正劉瀚刻

御製訓飭士子文豎碑其中又四十三年知州唐文德增前後上下門窗

文昌祠 舊在東廡下明弘治十七年知州周山改爲名宦祠祀文昌於尊經閣下

廢後

國朝康熙十年學正張鳳羽於東齋之北募建正祠三間廡厦一間四十二

年學正劉瀚重修又開神路於東齋房後建門樓化龍坊并立屏牆一座移蛟龍雲雨碑置其中前豎舊龍鱗石

魁星樓 舊在儒學門外後改建於學之西明萬曆間知州王甲又改建於先師殿

東 國朝康熙三十八年學正劉瀚於尊經閣後接小樓一間移魁星祀其上又

一在儒學南觀音閣又一在南關文昌閣南

係新建

名宦祠 舊在東廡下明弘治間知州周山改文昌祠建廢後改戟門外神厨爲之

鄉賢祠 舊在西廡下明弘治間知州周山改致齋所建廢後改戟門外宰牲所爲之

萬曆四十二年知州胡栴以兩祠南向非制申請修改 國朝康熙十二年學正

張鳳羽改東向西西向東始協規制

致齋所 舊在西廡下明弘治間改爲鄉賢祠遂廢 國朝康熙十二年學正張鳳

保德州志

卷一 因革

十六

羽建於鄉賢祠下四十四年學正劉瀚重修

祭器庫 即東齋下截地後通名進德齋廢遂 國朝康熙十二年學正張鳳羽建於

名宦祠下四十四年學正劉瀚重修

神厨三間向在名宦祠地廢今改置啓聖祠西

宰牲所三間 向在鄉賢祠地廢久改置玉振坊西

泮池 明天啓元年知州張世熙創開有碑記

尊賢育才二坊 在櫺星門外東西兩邊明成化間知州騫璿重修弘治間知州周

山改尊賢坊爲德配天地育才坊爲道貫古今廢後復 國朝順治七年寇毀十一

年諸生龔金新建顏曰金聲玉振兩圍磚砌花牆與屏牆合抱屏牆外大牆一面

明萬曆二十八年知州韓朝貢建四十二年知州胡栴重修天啓間諸生呈請所

兵層築溝堦千戶楊世鄉督工修理有碑記相傳此牆蔽前溝衝風於庠最利三十

五年學正劉瀚捐俸增修並將廟西舊學宅空地週修土牆七十餘丈斷行路往

來學宮肅清

祭器 舊儲帳幔五副銅爵一百四十九隻銅香爐一座鐵香爐大小七座鐵花瓶三對磁香爐大小三十二座燭架六副年久敝損所存無幾明萬曆三十九年知州胡柝各製新幃舊規凡籩豆簠簋之屬每祭迫令磁戶辦送胡公令生員耿毓英往五寨如式製木器大者四十八件小者一百五十四件立案發學給祭圖一軸令爲式止留磁臺一座磁型三座永除磁戶苦累又查出祭器虛冒價銀增入祭燭內大燭四枝枝五觔中燭六十枝枝四兩小燭一百二十枝枝二兩祭畢驗跋後木器復廢無存仍用磁器崇禎八年學正利萬鐘鑄大鼎一座 國朝順治間添造帳幔五副銅爵四十七件鐵香爐一十七座今存康熙七年知州張光岳虔設祭品督諸生肅將祇事時稱盛典三十四年學正劉瀚正殿內增製新帳十副生員張溥閻泰份禮生白慶製鐵燈臺二座鐵火盆二座 存今 附康熙三十八年禮部覆准每學設樂舞生六十四名歌章四人樂生二十二入執麾一人引節一

保德州志

卷一 因革

十七

人舞生三十六人

今俱全設

明倫堂三間 明弘治間知州劉淵重建東進德修業兩齋西成賢齋祭器庫東治化本源西文章淵藪二柵俱弘治間知州周山建萬曆間知州王甲將明倫堂增築臺基重修又撤去成賢齋祭器庫改爲東西兩齋各五間東曰進德西曰修業又改東西二柵曰禮門義路順治間知州楊士烜學正劉衍民修補康熙十二年學正張鳳羽二十七年學正衛大衡俱重修四十二年學正劉瀚東柵建元魁坊中道建治化本源文章淵藪坊一座兩邊磚砌小墻留小側門

儒學門三間 在文廟東前有青雲得路坊化龍坊樹其左萬曆間知州胡柝石磬水道改而新之 國朝順治六年寇毀十年學正劉衍民修葺門樓康熙十二年學正張鳳羽門內增甬道三十三年學正劉瀚增建屏墻四十二年又建宮牆大門一座

龍鱗石

州東臥龍溝石

初置州宅萬曆二十四年知州朱黃裳移置明倫堂左側建蛟龍

雲雨碑一通二十八年知州韓朝貢移置禮門外康熙四十一年學正劉瀚豎於蛟龍雲雨壁前

儒官門 在樞星門之西久廢

學正宅 舊在文廟西儒官門裡訓導宅之中久廢不修官止賃居明萬曆間知州

胡柟創建於明倫堂後尊經閣兩傍天啓間鄉官王所用生員王邵復建文廟

西有碑後毀今仍賃居民房

訓導宅 在文廟西學正宅之兩傍後訓導裁久廢

號房 舊在先師殿兩傍知州咎鳳翔改建於明倫堂兩傍久廢

射圃 在明倫堂號房之西長二十五丈闊四丈內有觀德亭三間明知州周山建

後知州李春芳廢給鄉民之願入城者知州高岡鳳又移州治後樂籍居之殊屬非體

典籍 前代頒尚書毛詩禮記註疏禮樂書貞觀政要朱子語錄真西山讀書錄刑

保德州志

卷一 因革

十八

統列女傳久缺明頒四書大全書詩禮記春秋大全性理大全爲善陰隱孝順事實

勸善書五倫書冠服圖正祀通考通鑑摘題聖門人物志萬曆四十年知州胡柟

續添四書主意二三場程墨翰苑內春秋傳大全知州劉希樂携去餘俱散失今

止存制誥爲善陰圖共三冊又鄉飲讀律二本鄉飲圖一軸

石碑 舊存殿前四通敬一亭內九通戟門內外十二通明倫堂內五通尊經閣下

御製訓飭士子碑文一通魁閣後簷前底一通文昌祠門外一通學門外一通

樹 栢十九株榆柳四十餘株牛逆砍伐殆盡後學正張鳳羽劉瀚多栽植今止存

栢樹十株榆樹三株青楊樹二株桃樹一株杏樹一株柳樹二十餘株

學田 明萬曆四十二年知州胡柟用價二十三兩二錢買西庄賈名都等神堂崑

煙墩梁上下梁家塢窑崑車道坪陳家塔嫂嫂崑小塔子小黃石崑王書兒崑榆

林坪共地一十二段載糧四斗九升五勺每年除完糧外納租穀六石又用價銀

二十四兩三錢買陳乾濟道溝上葫蘆且井崑後截李家坪上下截李家坪橋頭

梁斜嶺子秦地曲陳家舍窠又用銀三兩五錢買王旌下葫蘆旦又用銀一兩麥三斗穀二石買陣自登舍窠相連地並桃樹窠共地一十二段載糧七斗四升九合後清出餘糧抵除外寔糧二斗八升三合七勺九抄五撮每年除完糧外納租穀一十二石六斗六升三合載在石碑今地荒學戶賠糧

附廩糧存裁數目

本州廩生三十名舊每名支餼糧膳夫銀十兩八錢順治十五年奉文裁三分之二康熙元年盡截止存膳夫銀四錢二分二十四年餼糧膳夫復支三分之一在州領一半在興縣領一半

學倉 在明倫堂西明弘治十年知州魯鳳翔更建號房十七年知州周山建於訓導宅後久廢又萬曆庚戌學道王公行今動學倉支剩銀買穀一百五十石二斗令減價而糶增價而糶為諸生荒年之需名常平倉倉今廢
養廉倉 明萬曆辛丑按院趙公發銀三十兩令春放秋收加二行息利給諸生本

保德州志

卷一 因革

十九

仍收放三十二年署篆忻州同知常自修增賣養濟院空地銀一兩一錢六分三十八年按院劉增銀十兩四十二年知州胡柟增穀五十石亦加二取息給諸生廢今俱

社學 一在太平巷兒通志久廢一在教養巷久廢明嘉靖間知州高岡鳳於城中鄉外遍

建社學立章程撰詩歌躬為督率在城者一在西門內扁曰育才即今土地廟一在寶

積寺東扁曰化龍後改為趙公幹公祠一在城隍廟西扁曰啓蒙萬曆間獨此尚存知州胡

柟延師教課後亦廢後改為固山刑部生祠今亦祠廢順治間署州事學正劉衍民以藥

王廟前街房申請為社學康熙六年知州張光岳十七年許國柱俱延師教課二十七年知州高起鳳改盧公生祠為義學在大寺衙街口北後三十三年知州唐文德四十五年今知州王克昌俱延師設教

胡洵陽曰廟以安聖賢學以儲英俊也姑無論宋室右文加意修葺即金元高王張許四公亦皆聲施於今乃本朝二百年自任公泰陸公鏞騫公璿周公山

王公甲而外未見其人焉殿廡傾圮學博賃任民間敝之極矣今申請上臺一大治之後之君子垂念本源而增修未備則斯文之幸也

王瑞庭曰士者凡民之雋秀也保德自古風氣淳朴人文迭興上以名節爲雅化士亦以名節自砥礪歷稽往牒若子玉之豪俠東山之剛正伯順之蔚爲儒宗凜凜高風光照史冊豈非士林之翹楚而後進之法程乎不然喪心穢行總掇巍登臨猶之凡民焉耳奚雋之有然則士貴自勗哉

高鵬南曰保德縉紳盡出坊市村疇寥寥蓋由社學久廢村疇子弟不知讀書是以每試童不滿百頗知行文者纔一二十人而已嗟夫薪樵之源不廣又何望科目多得人哉野處者不暱秀豈村疇無美質耶誠酌地遠近延師教訓我郡人才庶幾乎斌斌矣

張絳州曰學宮設有專官則署之不可缺也必矣乃數年來泣是任者僦居民屋朔望瞻拜奔走道路宮牆門戶闐其無人嗚呼州雖小豈力獨奮於學校乎

保德州志

卷一 因革

二十

當事者若肯加意於斯豈惟青毡享安宅之樂其有裨於聖廟豈淺鮮哉
附書院

見龍書院明萬曆四十年知州胡柟爲諸生雷起蛟因按察司舊址建文昌祠三間

後書房十間前書房四間廢今中門一間前門一間俱入關帝廟

白眉精舍明萬曆四十年知州胡柟爲諸生馬上觀建於關帝廟後前後兩院共九

間存今

街巷

中街 自州治抵南門

東街 自州治抵東門

西街 自州治抵儒學門

新街 南口通東街折而西通州治後抵北門在州治後者舊名弦歌街爲樂籍所

居明嘉靖間知州高岡鳳移於通和親賢等街此爲民居因包城退後街道甚隘

長春巷 在儒學西北在西者舊親賢街在北者舊通和街嘉靖間移樂籍居此改
今名

辛家衚衕 舊名教養巷西口通中街東抵草廠溝

草廠衚衕 舊名吉士巷西口通中街東抵草廠溝

張家衚衕 西口通中街東抵承天寺後臺

鐘樓巷 舊鐘樓在此故名西口通中街東抵喬家壩中有一小巷至承天寺前

東營 西口通中街東抵三清觀

所營 中巷通東營西抵所治左東抵掬圪沓

戴家臺 舊名鐵山在草廠之南西通鐘樓巷

大寺衚衕 舊名里仁巷東口通中街西抵西頁巷

觀音巷 中有閣塑觀音故名今改塑文昌魁星像以其與文廟對建也南通西頁

巷東抵大寺後西抵土地廟北抵苦水溝拖西洒樂坡抵西門

保德州志

卷一 因革

二十一

西頁巷 舊名富民巷東通大寺衚衕北抵文昌閣西有何家臺南通西衚衕

西衚衕 舊名世官巷東口通中街西抵孫家溝埭

崔家衚衕 舊名格心巷東口通中街西抵孫家溝埭

倉巷 舊名多士巷東口通中街西抵馮家十字巷

孫家營 南通馮家十字巷西有下營坡抵孫家溝

馮家十字巷 東通倉巷西抵臭水坑北抵孫家營南抵白家衚衕

白家衚衕 舊名太平巷東口通中街西抵西營

娘娘廟衚衕 舊名修文巷東口通中街西抵娘娘廟

西營 東口通中街折而西抵白家衚衕

胡洵陽曰街巷在城中譬人之血脉各有名號在人口碑强有力者塞而專之

今已去其五六矣街居者壅陽溝而不行疏決巷處者且壘土以自固其牆基

致水衝街巷之中日趨於下有司者不問將誰諉也楊永芳曰州城僅一派山

岡耳自南而北中街差成衢市其餘街巷長者百步短者數武然聞在昔居民櫛比貨肆鱗次猶有可觀自逆賊盤踞逾冬歷夏拆屋為薪高樓大厦盡於爨下迄今舖房或存或廢墻戶或有或無雖休養有年而未復也况三溝水潰日就崩頽而尤甚者喬家壩掬圪沱孫家營橫成豁壑究無底止浸及城垣岌岌將傾矣居民蹙額無計每逢天雨夜不安枕與民同憂者將何以處此也

都里

宣化坊

東康家塔

里東 里五 賈家梁 二 甲

里十 大黃坡 八 甲

里三 里十 西庄 二 甲 俱 陳家寨

東 里三十 里南 賈家峁 有 一 二 三 九 甲

康家灘 俱 六 甲

樊庄 五 甲

里十 五 鐵匠舖 七 甲 內有 靜樂 都 五 義合 都 八 甲

董家梁 二 甲

保德州志

卷一 因革

二十一

里四 十 太峪溝 一 甲

一百 里二 楊家圪臺 八 甲 俱 七 十 王家寨 里

里十 吳家梁 十 甲

五城 里南 西南溝 三 甲

里十 五 高家溝 三 甲

崔家灣 八 甲

楊家塔 一 甲

二城 里西 下園頭 六 甲 有 長 樂 二 甲

里十 牛圈村 八 甲

里四 十 小圪都 四 甲

里十 五 霍家沙坡 一 甲

里七 十 圍兒梁 七 甲

里六 十 窰圪臺 九 甲

白家梁 八 甲 廟 溝 寨

里二 十 學塔 一 甲

劉家圪臺 七 甲

楊家灣 五 甲

趙家庄 四 甲

里三 十 王家灘 四 甲 內有 義 門 都 六 甲

里十 五 段家溝 七 甲 內有 義 合 都 五 俱 秦 峁 寨

里五 十 孫家塢 三 甲 俱 新 哇 寨

里六 十 林遮峪 三 甲 又 云 靜 樂 二 甲

里八 十 舍兒塔 七 甲 俱 剗 亥 寨

西 南 八 十 里 劉 家 梁 九 甲

楊 家 圪 臺 八 甲 叢 林 溝 寨

太 平 村 十 里 見 舊 志 今 無 太 頭 或 是

長 樂 都

城 南 十 五 里 王 家 梁 十 甲 秦 峁 寨

城 西 六 十 里 杏 林

九 里 十 子 梨 坪 六 甲

西 山 頭 俱 五 甲

楊 家 嶺 俱 一 甲

曹 家 庄

入 十 里 扒 樓 溝

皮 花 嶺

一 百 二 十 里 廟 上 張 家 村 四 甲 俱 禪 房 寨

雷 家 灣 見 舊 志 今 無

古 樓 圪 堆 俱 六 甲

孫 家 嶺

八 里 十 圪 撩 塔

八 里 十 沙 梁 上

禪 房 俱 一 甲

李 家 梁

南 河 溝

保 德 州 志

卷 一 因 革

二 十 三

丁 家 塔

楊 家 塢

棗 林 兒

八 里 十 東 庄 塢

大 塔

八 里 十 蒿 樹 塔

九 里 十 甘 草 塢 一 甲

九 里 十 榆 樹 嶺

一 里 百 高 家 寨

九 里 十 石 橋 塔 五 甲

龍 堂 七 甲

九 里 十 南 溝 二 甲

寨 塢 裡

楊 家 梁

俱 二 甲

楊 家 溝 俱 三 甲

喬 家 塔 俱 五 甲

王 家 裡 俱 五 甲

神 樹 梁 俱 五 甲

八 里 十 安 家 山 二 甲

紅 花 嶺 二 甲

寨 裡 村 俱 五 甲

偏 橋 塔 六 甲

宋 家 塔 九 甲

蒿 則 塔

袁家梁 三甲

寺合塔

寨峁 俱八甲

雷家峁 俱二甲

長繩陵 五甲

上下趙家塢 二甲

拾人坡 俱三甲

姜家庄 六甲

西 八十里 南 神山 二甲

後馮家川 俱四甲

武家塔

田家塔

里一百 韓家塔

柳樹溝

南窠

里一百 尙家塔 三甲

馬家塢 八甲

里一百 楊家山

野人山 五甲

里九 十 前馮家川 即鴨頭川

里一百 高家溝 四甲

韓家嶺 俱七甲

武家溝

保德州志

卷一 因革

二十四

沙坪

翟家塔

衣謝塔

高家寨 五甲

里一百 松樹圍 四甲

窟籠塢 五甲

水泉 今無

靜樂都

城 七十里 東 界牌

里一百 王家河

城 四十里 南 楊士坪 三甲

里五十 趙家庄 一甲

黨家嶺

土崖塔

馮家塢 俱九甲

高家塔 十甲

張家塢 五甲

武家梁 九甲 俱屬 禪房寨

長城村 今無

後窠 俱七甲

馮家河 俱三甲

傳家圪臺 十甲

秦家寨 六甲

桃朴嘴 七甲

樺樹塔 俱十甲

土門 二義合都

張家溝

桑林 六甲

北山

里七 十 白草梁

郭家偏梁 俱二甲

趙家山 寄庄

南溝 八甲

里一百 泉溝 二甲

賀家山

新畦

袁家庄 一甲

王家裡

郝家塔 俱四甲

羅家塔

鈎地塔 俱八甲

潘家塢

雷家山 七甲

里八 十 衣村 七甲

里九 十 王家梁 四甲

秦家河 四甲

澗坑 俱八甲

保德州志

卷一 因革

二十五

後山裡 八甲

牛欄 三甲屬叢林溝寨

西 南 四十五里 塢頭

曲八塔

里五 十 桑園塔

沙坪

暮雨塔 六甲

下川坪 四甲

五六 里十 南嶺 二甲

栢樹 二甲

四井頭

潘家塢

一百 二十里 上下蒼水 八甲新畦寨俱

豆塔 俱一甲

獮窩 俱七甲

寨溝裡 俱一甲

大連溝 俱三甲

里六 十 黃金山 二甲

水元塔

大塔 三甲

里七 十 林家峪

西蔓嶺

元家山 俱二甲

劉家塔

郝家庄

郝家溝

劉家梁 六甲

高家嶺 四甲

城西
十里 王家窠 九甲

王兒塔 俱五甲

柴家窠 俱五甲

禮賢陵 九甲

中會 九甲 十甲

里三十 下塔

里四十 杜家灘 五甲 俱花園寨

霍家塔 俱三甲

玉龍嘴

沙嶺 俱四甲

大嶺 七甲

宜村 七甲 俱副寨

里二十 山頭

崔家塢

花園 五甲 九甲 有義合都八甲

前會 四甲 九甲

岳家灣 三甲

官局 俱一甲

陽陽村 見舊志今無

保德州志

卷一 因革

二十六

義合都

城東
四里 郭家灘 一甲

陳家梁 五甲

里二十 產燠 五甲

里三十 劉家畔 十甲 俱屬陳家寨

里五十二 白家庄 一甲

里三十 橋頭 五甲

崔家陵

吳家塢 八甲

山庄頭

念塢

里四十 井兒窠 五甲

里十 梁家山 一甲

樓子坪 十甲

腰庄 五甲

里二十 高家溝 五甲

桑園兒 三甲

崔家塢

岳家溝 俱七甲

冀家溝

張家峁

趙家溝 俱九甲

崔家梁 九甲

蘆子坪 十甲

王家溝

柴家溝 四甲

城南三十里 韋樹脚 三甲

三十里 青草灘

東角 俱二甲

下崔家甲 俱十甲

餘林峒

馬廷獻村

嶺上 俱二甲

六里 十土門 二甲

七里 十白草梁 二甲

劉家溝

郭家溝 俱三甲

後窰 七甲 俱屬

崔家峒 十甲

菓塔子

上崔家甲

四里 十王家偏梁

石塘

莊立村

五里 十牧塔 四甲

青草溝 四甲

郭家偏梁 二甲 俱新畦寨

保德州志

卷一 因革

二十七

二十里 東里

下流磧

南坡

劉家溝 十甲

三十里 白家庄

餘鐵溝

橋溝 俱七甲 屬秦峒寨

西四十里 趙家庄 三甲 屬劇

城西四十里 故城 三甲 屬花園寨

全家坪

羊頭村

馬頭村

孫家溝

馬蒲頭 俱五甲

蘇家嶺 俱一甲

五里 十韓家塔 二甲

郝家裡 俱一甲

寨上

赤泥村

頭子村

松林村

李家塢

菜地 舊有今無

義門都

城東 張家灘 四甲

後蘆子溝 八甲

城東 前蘆子溝 四甲
里二十 臥龍溝 八甲

里三十 狄家溝

狄家塢

天橋子 俱一甲

青石盤 七甲

義門 五甲內 有七甲

栢森 六甲

白榆泉 八甲 俱陳家寨

路家圪臺 一甲

窑峁

余家溝

袁家嶺 俱二甲

武家溝 三甲

凡地嘴

劉家峁

南峁

王家峁 俱六甲

保德州志

卷一 因革

二十八

趙家寨 八甲

岳家梁 十甲

里五十 姜家山

田家溝

里六十 王家寨

王家坪 俱十甲

里一百一十 馬家坡

龍尾嘴 俱十甲 屬王家寨

里六十 王家寨 十甲

城南 劉家塢 六甲 屬秦峁寨

城西 上王家灘

關家溝 俱六甲

胡洵陽曰昔五都共九十村今二百九十一村非和市日久生齒漸繁之一驗歟初不知每村不過二三家多亦不過一二十家相距俱五七里或一二十里號招不相及聲勢不相倚且岩居穴處一望不見人踪蓋一片荒涼境界也觀日溝日塢日塔日峁日嶺日窰別無美稱焉情見乎名矣
楊永芳曰舊志二百九十一村今不甚減亦邇來時和年豐乃漸復其舊也攷

之崇禎初年王嘉胤倡亂保德實爲首難地城雖未陷而四鄉劫掠村落丘墟加之王剛短毛子棒_擊會諸盜奄忽而至殆無虛日居民穿掘崖窳奠全性命而死於鋒鏑者殆居其半諺所云十村九無烟是也鼎革以來山僻未嘗被兵及牛逆之變盤踞二載搜軍括餉傷害爲烈又大兵臨境供億騷然雖渠魁授首而元氣損傷休養政未易耳

坊表

德政坊 在州治前爲元知州袁公建明知州騫璿周山俱重修

掇英坊 在義合都爲明洪武丁卯舉人王杲建

文奎坊 在靜樂都爲明永樂乙酉舉人韓修建

梯雲坊 在靜樂都爲永樂乙酉舉人郝隆建

凌雲坊 在城中街爲永樂戊子舉人吳韞建

步蟾坊 在康家灣爲永樂氏子舉人康寧建

保德州志

卷一 因革

二十九

折桂坊 在城上街爲永樂甲午舉人賈祺建

奪錦坊 在城集賢街爲永樂丁酉舉人趙秉彝建

飛黃坊 在靜樂都爲永樂丁酉舉人呂忱建

掇科坊 在長樂都爲永樂庚子舉人張輔建

化龍坊 在城東街爲永樂癸卯舉人曹寬建

冲霄坊 在長樂都爲永樂癸卯舉人喬木建

登雲坊 在城上街爲明宣德己酉舉人白圭建

繼美坊 在城中街爲明景泰丙子舉人吳從敬建

武英坊 在城上街爲明成化戊子舉人劉永建

紹宗坊 在州治前爲成化戊子舉人曹鳳建

攀龍坊 在城上街爲成化丙子舉人張忱建

附鳳坊 在城上街爲成化丙午舉人朱完建

聚奎坊 在城中街爲明歷朝舉人王杲等建

高攀月桂坊 在南門內爲正德癸酉舉人楊應辰建

繩武坊 在富民巷爲正德癸酉舉人劉鼎建

雲程獨步坊 在鐘樓巷口爲明嘉靖庚子舉人李士元建

鴻臚坊 在城上街爲明序班韓銳建

肅儀坊 在大寺口爲明完縣知縣康永修建

烈女坊 在南關明崇禎年爲陳烈女建

興市迎恩二坊 在南郭俱明弘治十八年建

以上坊俱年久廢毀又經寇亂遂無復存

新牌坊 在太平巷口明山西御史陳純德爲崇禎辛未進士王邵建

德邵典楚試所取土後督

學京師殉甲申之難今存

千秋裡祀坊

保德州志

卷一 因革

三十

萬古精忠坊

以上二坊俱在下街關帝廟左右 國朝康熙間郡人韓富爲關帝募建

市集

州市 在城內元至正大德間立明弘治間知州咎鳳翔復興正德間知州周山以

街東中西分各行每月九集萬曆間知州韓朝貢定令五日輪流上下匝月而週

今城中僅糶米粟不拘上下街市

東溝集 每逢二七貿易雞貨一月六次 國朝康熙間知州張光岳立

南關集 每逢七貿易月凡三次而改東溝集逢七爲逢九康熙二十七年知州高

起鳳立

下川坪集 樓溝集 馮家川集 石塘村集

桑園市 俱明季立舊規僉報集頭印給官簿收管稅課鄉民每啣少隙動以漏稅

相詰里胥持之村曠騷然萬曆三十九年知州胡柟申革集頭弗計漏稅貨物鱗

集鄉民交易稱便陝西府谷縣沿河六堡皆取貨於州今俱久廢

王恆曰日中爲市民之所以通有無也州近邊鄙富商大賈絕跡不到然麻縷棉絮之類日用所必需東溝立集農民喜其便宜市民惡其攬奪必如何調停而後可也往者陝西府谷沿河一帶物用皆取於州今府谷頗有客販彼此相資說者謂地氣之有轉移果信然乎

津梁

下園渡 在州西一里明正德前設官船四水手五十名以通秦晉後以延綏兵馬由唐家會入衛撥去船三隻餘俱廢萬曆十四年延綏兵馬改由此渡題准陝西府谷縣設官船二隻本州設官船三隻派坐靜樂縣岢嵐州興縣各船一隻十年一打造五年一修補各設水手一名工食銀九兩至二十六年靜樂縣申令本州代彼造船會本府嚴禁不果三十五年復議解銀一百二十兩令本州代造知州趙繼清爭之不得竟以去官三十九年興縣王知縣申請比靜樂例議補造銀三

保德州志

卷一 因革

三十一

十兩造打銀一百兩編入均徭解令本州代爲修造知州胡栲備述官船顛末轉

詳撫院允照舊例施行原議略見藝文今渡改東溝

東溝渡 在州城下

花園子渡 在州西二十五里

故城渡 在州西二十里

柴家窰渡 在州西三十里

韓家川渡 在州西五十里

神山渡 在州西六十里

馮家川渡 在州西南九十里

桑園渡 在州西五十里

水寨渡 在州東北十五里

天橋子渡 在州東三十里

以上渡止東溝係官渡餘俱無船陝西府谷民間有以小船私渡者本營各設兵防守

化龍橋 在城內儒學門東阻城中水使北流萬曆四十二年改修

保德橋 在南門外明弘治十四年知州楊光澤修久廢

國朝康熙二十七年州人募築土橋始成周行

惠民井橋 在城西南井溝明正德八年建屢修屢圯橋圯井亦壞州人苦之 國

朝康熙十六年鄉官白眉重建三十三年知州唐文德重建有碑記

石梯橋 郡人王立本建有碑記後為水衝商客郝展移入後溝復建未完又為水衝

天橋 在倒迴谷口金貞元三年僧法利又才呼公募建谷口石岸寬平直抵河心望之

若可一躍而過實闊七八丈每冬積冰成橋人遂呼為天橋明弘治總制文公欲

於此立橋疏上不報正德十四年都御史張檜奉旨營度不可遂已

餘鐵橋 在餘鐵村久廢

保德州志

卷一 因革

三十二

橋頭橋 在橋頭村係入省大路每暴雨水阻行人壅集守候至有遲三五日者明

萬曆間郡人陳天和募建二十六年大水衝沒四十年知州胡柟捐俸募義復建

四十三年水復衝沒改修峽口之中今亦廢 國朝康熙三十二年廩生王體乾

募建不果

石橋 在鷹窠嶺下宋嘉祐六年商人王繼宗建久廢

白君琳曰橋梁關係甚大所賴歲時葺理以無俾速壞乃花宮梵宇丹堊金碧

競勸喜捨而橋梁之修反靳焉吾甚惑之

塚墓

宋

趙寧墓 在栢森村桑林坪治平中勅建塚官楚三材會三省鄴天成營建地五十餘畝

折太君墓 在州南四十里折窩村即楊業妻折德展女詳見古蹟

九女墓 在栢森村詳見古蹟

元

天水郡伯墓

在西庄村即狄元昌詳見鄉賢

狄司馬墓

在天水郡伯墓左即元昌子琮詳見鄉賢

狄同僉墓

在天水郡伯墓右即琮子東山

狄大尹墓

在西庄村即狄珍詳見薦舉

狄主簿墓

在西庄村即狄西山詳見薦舉

郭朝請墓

在南門外即郭汝翼詳見鄉賢

王御史墓

即王友賢

王知州墓

即王友聞

王中書墓

即王巨淵

王吏部墓

即王永淵以上四墓俱在沙坪梁一云在下流磧俱詳見薦舉

李學士墓

在城南秦峒寨山即李謙詳見鄉賢

保德州志

卷一 因革

三十三

明

劉御史墓

在西嶺即劉永詳見歲貢

高職方墓

在神堂梁即高已升詳見鄉賢

賈知州墓

在西嶺即賈祺詳見舉人

趙別駕墓

在閣羅殿山即趙秉彝詳見舉人

王別駕墓

在王寨峒山即王鼎詳見歲貢

白縣尹墓

在西嶺即白璧詳見歲貢

劉別駕墓

在西嶺即劉永詳見舉人

張孝子墓

即張綬詳見孝子墓未詳或云在西嶺

崔車駕墓

在西嶺梁即崔士成詳見進士

韓縣尹墓

在慕塔村即韓溫詳見歲貢

馬孝子墓

在西嶺即馬化龍詳見孝子

王贈君墓 在西嶺即王所用詳見馳封及恩拔

王太史墓 在東廓山陽塔即王邵詳見鄉賢

韓中憲墓 在神堂梁即韓友范詳見忠臣

姜都督墓 在沙坪塢即姜名武詳見忠臣

陳都憲墓 在故城新墳即陳奇瑜詳見進士

馬烈婦墓 在西嶺詳見節婦

陳烈女墓 在西嶺梁見敕封

國朝

姜鴻臚墓 在沙坪塢即宗呂詳見馳封

劉秋官墓 在西嶺即劉毅詳見恩拔

白二府墓 在東廓山即白眉詳見恩貢

邊菴先生墓 在城南栢園梁即祖舜詳見進士

保德州志

卷一 因革

姜少宰墓 在王家梁即姜楠詳見進士

楊貢士墓 在扒樓村即楊永芳詳見歲貢

附漏澤園

一 在城西和尙園

一 在城南沙坪梁明萬曆二十九年廉訪趙公檄知州韓朝貢建義民吳學禮輸

地三十畝

有碑記

一 在城北坡下明萬曆四十二年知州胡栢買崔登科地為孤貧建

一 在城南下沙坪天啓三年署州事田所賦建

有碑記

一 在西嶺嶽岫坪萬曆間生員張堯仁輸地建共數十畝

一 在南郭外官道西 國朝順治十年知州楊士烜奉文建

一 在城南沙坪塢康熙四十年知州唐文德買武生王煥地一段建

有碑記

一 在城南夏家庄康熙四十一年郡進士劉祖舜輸地十畝建

有碑記